

პროლეტა

ოზგანო თფილისის მეუმრავლესეთა


№ 1

რ ე ღ ა ჟ ც ი ი ღ ა ნ .

ამხანაგებო! ჩვენ მივმართეთ საოლქო კ.-ს წინადადებით-
დაებეჭდათ ჩვენი გაზეთი. მივიღეთ ასეთი პასუხი: მოგვეცით
ორასი მანეთი ნომერში (სამ ენაზე), გვიყიდეთ 30 ფუტი
შრიფტი, რაიც დაგვიყიდებოდა 600 მანეთამდე და ბოლოს
ცენზურა უნდა უყოთ სტატიებს შეროორისა, მილიციისა, პარ-
ტიზანულ გამოსვლებისა, და ბევრ სხვა კითხვების შესახებო.

ასეთი პირობების მიღება ჩვენთვის ყოვლათ შეუძლებელი
იყო, ამიტომ ს. კ.-ს პასუხი ჩვენ მიგვაჩნიათ გადაჭრილ უა-
რის თქმათ.

თფილისი 1908.



დღევანდელი ვითარების პითხვაები

კარგა ხანია რუსეთის რევოლუცია დამცხრალია და ჩვენი ცხოვრება „სიწყნარეს“ განიცდის; ამიტომ დღეს სრულიათ ბუნებრივია, თუ ყოველი მოაზრე რევოლუციონერი, განსაკუთრებით სოციალ-დემოკრატი ღრმად უფიქრდება ამ მოვლენას: ცდილობს ანგარიში გაუწიოს წარსულს და სათლათ გაირკვიოს მომავალი; განსაკუთრებით ეხლა - ამ არევ-დარევის დროში, როცა ჩვენში ასე გახშირებულია ღალატი, გულგრილობა, უიმედობა, რევოლუციისთვის ზურგის შექცევა და „ბრძოლის ველიდან“ სამარცხვინო-საზიზღარი უკუქცევა. საჭიროა კი, აუცილებლათ საჭირო, რომ უწყომანოთ და შეუდრეკლათ ჩავხედოთ თვალში სინამდვილეს, ავსწონ-დავსწონოთ ის—გაუკეთოთ მას ანალიზი და იქედან გამოვიკვანოთ უტყუარი დასკვნები; თუნდაც ეს დასკვნები ჩვენს ჰარტიასში უმეც დაძვინდრებულ შეხედულებათ ეწინააღმდეგებოდნენ. აი ასეთ გამორკვეულ დასკვნებზე უნდა დავაფუძვნოთ ჩვენი პარტიის დღევანდელი ტაქტიკა.

ცხადია, შეუძლებელია ამ სტატიას მიზნათ ჰქონდეს ყველა ამ დასკვნების და ტაქტიკის გამოკვლევა; ეს მთელი ჩვენი გაზეთის არსებობის მიზანია.

აქ ჩვენ შევცხვებით მხოლოდ ზოგად, მარა ძირითად კითხვებს.

რეაქციონური მთავრობა და კადეტები, ოქტომბრისტები და მემარჯვნი, ჟანდარმები და გენერალ-გუბერნატორები დღეს სიხარულის ნერწყვს ყლაპავენ და ქვეყანას გამარჯვებულის სახით აუწყებენ: რევოლუცია ჩავაქრეთ, გავსრისეთ, გავანადგურეთო. მარა, საკვირველია, გამარჯვებულთ თითქოს კიდევ არა სწამთ თავიანთი გამარჯვება: ხშირათ დღესაც წამოცდება ხოლმე მათ აღმატებულებას, სახელმწიფოს რომელიმე ბურჟს სახიფათო სიტყვა, ხშირათ რომელიმე მინისტრიც იჩენს ხოლმე საზარ შიშს რევოლუციის წინაშე: ყველაფერიდან სჩანს, რომ ჯერ კიდევ ვერაა დამყარებული მათთვის სანატრელი „მშვიდობა და სათნოება“.

მაშ ჩვენც ეჭვის თვლით შევხედოთ მათ ამკარა და მყვირალა განცხადებას, ჩავუკვირდეთ სინამდვილეს და ნათლათ წარმოვიდგინოთ ჩაქმის ნამდვილი მდგომარეობა

საზოგადოების ბურჟუაზიულ და შავრაზმულ ნაწილს ჰგონია, მთელი საშინელება „ბოროტ-გამზრახველ“ აგიტატორებისგან წარმოსდგება. საკმაოა, მათი აზრით, „გააქრონ“ ყველა ასეთი აგიტატორები, რომ რევოლუციის ხსენებაც აღარ დარჩეს: მაშინ აღარ იქნება არც უკმაყოფილება, არც მღელვარება, არც აჯანყება. საქმე რო მართლა ასე წარმოვიდგინოთ, მაშინ რევოლუციაზე ადვილი მოსასპობი რაღა იქნებოდა: სამუდამოთ დატოვებდნენ სამხედრო, წესებს, კიდევ უფრო გააძლიერებდნენ რეპრესიებს და მოიხვეწებდნენ, „არსულობას“ და „უწესოებას“ ბოლო მოეღებოდა. მარა განა ეს ასეა? განა საქმე ისე ადვილია, როგორც ეს რუსეთის „ბურჟებს“ წარმოუდგენიათ? ცხადია, არა!

უფრო სერიოზულ სახალხო მოძრაობას აქვს თავისი ღრმა მიზეზები; ურთმდისთ ვერავითარი აგიტატორები ვერ შესძლებდნენ მის შექმნას. ეს კი ყველაზე უფრო რუსეთის თანამედროვე დიდ რევოლუციაზე ითქმის.

საზოგადოების სოციალ-ეკონომიურ განვითარების პრაქტიკაში მსხვერპლთა ფართე მასსებს უზნდებათ ახალი მოთხოვნილებანი და როცა ეს მოთხოვნილებანი ძლიერდება, მაშინ ისინი აშკარათ ეწინააღმდეგებიან დაკმაყოფილების უკვე არსებულ საშუალებებს; ეს გარემოება კი იწვევს მასის ძლიერ უკმაყოფილებას, რასაც ის გამოთქვამს — ხალხე რევოლუციონური გამოსვლით. აი სწორეთ ეს მომწიფებული მოთხოვნილებანი შეადგენს ობიექტიურ მიზეზს რევოლუციისას. აი ამ დროს ვერავითარ შავ-ბნელ ძალებს არ ძალუძთ ბოლო მოუღონ რევოლუციას; თუნდ ატუსალონ და ჟლიტონ აგიტატორები, აძლიერონ და ავრცელონ სამხედრო წესები, შიშის ზარი დასცენ მცხოვრებთ, მოძრაობაში მოიყვანონ სავლე სასამართლოები, აღმართონ ყველგან საღრჩობელები, საქმეს პმით მაინც ვერას უშველიან, ვინაიდან ფართე მასსების უკვე მომწიფებულ მოთხოვნილებათა დაუკმაყოფილებლათ საზოგადოების წარმატება ზ განვითარება შეუძლებელია; ის შეჩერებულია და თუ ქვევით მსვლელობა არ მიეცა, საზოგადოება გადაშენების და ამოღების გზას ადგება. აუცილებელი ხდება მოთხოვნილებათა ამა თუ იმ გზით, ასე თუ ისე ნაძღვალი დაკმაყოფილება.

რაში მდგომარეობს რუსეთის რევოლუციის ობიექტიური მიზეზი? ასეთი მიზეზი ორია: აგრარული საკითხი და პოლიტიკური თავისუფლება. აი ამ კითხვების, ამ მოთხოვნილებების რამდენიმეთ მაინც დაკმაყოფილებაზეა დამოკიდებული მთელი რუსეთის მომავალი ბედ-იღბალი.

და მერე გადაჭრილია ეს კითხვები? ცხადია, არა. შეუ-

ძლია გადაქრას ის, დააკმაყოფილოს მთელი გლეხკაცობა და პროლეტარიატი რუსეთის დღევანდელმა მთავრობამ, ან სახელმწიფო დუმამ?

მთავრობამ ჯერ ისევ 1906 წლის ნოემბერში გამოსცა კანონთა 87 სტატიის ძალით დროებითი წესები, რომლებიც შეეხება გლეხთა მიწათ—მფლობელობის მოწესრიგებას. ამ წესების მიზანია ძალდატანებით დაარღვიოს და დაშალოს რუსული („ობშინა“) „თემი“, რაც ხელსაყრელია შეძლებულ გლეხებისათვის და გამანადგურებელია „გაჭირვებულთათვის“; მესამე დუმის საადგილ-მამულო კომისიამ მხოლოდ იმით შეასწორა მთავრობის განკარგულება, რომ ნება დართო გლეხებს შეიძინონ მიწები მხოლოდ ისეთ „თემებში“, სადაც 24 წლის განმავლობაში გლეხთა შორის მიწების დაყოფა არ მომხდარა. მიმდინარე წელს, 13 თებერვალს კი მეფემ გლეხთა ღებუტაციას გამოუცხადა, რომ მებატონეთაგან მიწების ძალით ჩამორთმევაზე ფასითაც კი ტყუილა ნუ ოცნებობთ: მე არასოდეს არ დაამტკიცებ ასეთ კანონსო. აქედან მთავრობის პოლიტიკა ცხადია: მას, რათაც უნდა დაუჯდეს, მტკიცეთაგან დაწყვეტილი აქვს შეინახოს რუსეთში მსხვილი „პომეშჩიკური“ მიწათმფლობელობა, დაიცვას მსხვილ პომეშჩიკ-მემამულეთა ინტერესები და მშიერ გლეხებს კი მხოლოდ ტყვიით გაუმასპინძლდეს.

მარა გლეხკაცობას მარტო რეპრესიებით როდი ანუგეშებდენ: მათ ისე უჩვენებენ თავს, ვითომ მათთვისაც დიდათ ზრუნავენ, ვითომ მათთვისაც დიდი რეფორმები აქვთ დამზადებული—მიწის მომწესრიგებელ კომისიებს უარსებენ. როგორია ამ კომისიების მოქმედება? აი ცნობები: „მიწის „ბიუროკრატიულ-პომეშჩიკურ“ მომწესრიგებელ კომისიების გამოკვლევით რუსეთის გლეხკაცობას აუცილებლათ ჭირდება 51 მილიონი დესეტინა ($2\frac{1}{2}$ ქცევა, ე. ი. ას მილიონ ქცევაზე მეტი) მიწა. მთავრობას დღემდე შეძენილი აქვს ამ მიზნისთვის „მიწის ფონდი“ მხოლოდ 13 მილიონი დესეტინა; რომელიც შეადგენს მხოლოდ მეოთხედ ნაწილს იმისას, რაც ნამდვილად საჭიროა. ამ 13 მილიონიდანაც გაყიდულია გლეხებზე დღემდე ძლივს ერთი მეორმოცედი ნაწილი, დანარჩენს კი ან იჯარით აძლევენ, ან და თვითონ სახელმწიფო ბანკი აწარმოებს; ამასთან ბანკის მიწებს გლეხები იჯარით ნაკლებათ იღებენ, ხოლო თავის საკუთარი წარმოებიდან ბანკს საშუალოთ იმაზე გაცილებით ნაკლები შემოსავალი აქვს, რასაც ის თვითონ იხდის „ფასიან ქალაქებში“. ამას გარდა მი-

წების მომწესრიგებელ კომისიას, როგორც ბიუროკრატიის ღვიძლ შვილს, საქმე კუს ნაბიჭით მიჰყავს. ცნობილ „ჩამონაჭრებს“ (საბატონო მიწებს) შეუმოწმებლათ და შეუფარდებლათ ანაწილებენ ადგილობრივ გლეხთა შორის თავიანთ კანცელარიებში ქარტის, სახაზავის და კარანდაშის შემწეობით. ამას შედეგათ ის მოსდევს, რომ ბევრგან გლეხებს დასასახლებლათ უტყუო და უწყლო ადგილი ხვდებათ, და რა საკვირველია, თუ ასეთ მიწებს არავინ ყიდულობს; თუ შეცდა და იყიდა—ეს კიდევ შემდეგში მთავრობისადმი მეტ უკმაყოფილებასაც გამოიწვევს. საზოგადოთ კი მიწას ყიდულობს შეძლებული ელემენტი და ამნაირათ მთავრობის მიერ შედგენილი მიწის ფონდი უმთავრესათ გადადის თითო-ორიო მდიდარ და შეძლებულ გლეხის ხელში, უმიწაწყლონი და „გაქვივრებულნი“ კი ისევ უმიწოთ რჩებიან. მაგალითად, დღემდე გაყიდულ მიწებიდან უკვე მეხუთედი ნაწილი შეუძენიათ შეძლებულებს“. (სოც. დ. № 1) აქედან ცხადია, რომ რუსეთის გლეხკაცობის დაკმაყოფილება ზემო აწერილ პროგრამით ყოვლათ შეუძლებელია. მესამე დუმა რაღას აკეთებს? ის კვალდა-კვალ მისდევს მთავრობას: თვით თავიდან ბოლომდე პომეშიკური სულით გაჟღენთილი პომეშიკურ პოლიტიკას აწარმოებს.

ამნაირათ ეს მთავარი ძარღვი რუსეთის რევოლუციისა—აგრარული საკითხი—შეუძლებელია გადიქრას მშვიდობიანი გზით. უმახლობელესი და პირდაპირი გზა—ეს რევოლუციონური გზაა, გზა მთავრობის ძალებთან შეუპოვარი ბრძოლის, გზა ბიუროკრატიულ—პომეშიკურ მთავრობის ძირს ჩამოგდების, დამხობის. აი ეს გზა, მხოლოდ და მარტო ეს გზა იხსნის რუსეთის მრავალ მილიონ „გაქვივრებულ გლეხკაცობას“ შიმშილით და სტოლიპინის ტყვიით სიკვდილისა და გადაშენებისაგან.

როგორ ვითარებაშია რუსეთის რევოლუციის მეორე ობიექტური მიზეზი—პოლიტიკური თავისუფლების მოთხოვნა? თუმცა მთავრობამ ჯერ კიდევ 1906 წ. 4 მარტს გამოსცა დროებითი წესები, რომლის ძალით ვითომ სხვა და სხვა თავისუფლება (კავშირის, კრების და სხვ). უნდა დაემყარებია სახელმწიფოში, მაგრამ მალე აღმოჩნდა, რომ ეს მისთვის აუტანელია; მან უმაღლეს გათელა ფეხქვეშ თავისივე კანონები, არავითარი ყურადღება არ მიაქცია მას. სტოლიპინმა ჯერ ისევ მეორე დუმაში წარმოსთქვა „ხელი-ხელ საგოგმანო“ ფრაზა: „როცა სახლი იწვის, შუშებს არ ზოგვენო“ დიახ;

მთავრობამ სტოლიპინის პირით უსირცხვილოთ გვაუწყა, რომ იგი კანონებს არ მიხედავს, არ შეასრულებს, როცა კი ამას მისი ინტერესი მოითხოვს და კიდევ ასრულებს მტკიცეთ თვის დაპირებას: ანადგურებს პროფ. კავშირებს, გაასკეცებული ენერგიით იბრძვის, თუ კი სადმე მუშათა ან გლეხთა მოძრაობა შეამჩნია; კრების ხსენებას და მოლაპყბე ლიბერალების სიტყვებსაც არ ითმენს, ბეჭდვითი სიტყვას და პრესას საკუთარი ხელით ახრჩობს და ამ სახით მთელ ღეგაჯურ რუსეთში სამარისებური სიჩუმეს, მყუდროებას ამეფებს. მესამე დუმა რაღას აკეთებს?

ის აქაც განუყრელი თანაშემწეა მთავრობის. მაგალითად, ამას წინათ დუმის ს. დ. ფრაქციამ მოინდომა პროფ. კავშირების მთავრობის მიერ განადგურების თაობაზე შეკითხვის შეტანა, მარა დუმის კომისიამ უმაღლეს უარყო ის. დუმის უმრავლესობას რეაქციონურ გზაზე კიდევ ამაზე მეტი მოღვაწეობა მიუძღვის; საკმაოა გავიხსენოთ მისი დამოკიდებულება — შეხედულება მთავრობის იმ არა დემოკრატიულ პროექტზე, რომელიც ადგილობრივ თვითმართველობას შეეხება, რომ საბოლოოთ დაფრწმუნდეთ მესამე დუმის რეაქციონურ ხასიათში.

აქა, შეუძლებელია თვით უმცირესი ჰოლიტიკური თავისუფლების მოძრაობაც-კი ისე, თუ ფართე მასსა თვით არ გამოვიდა რევოლუციონურ გზაზე, თუ თვით ხალხმა არ ჭაუმითა გადაწყვეტილი რუსეთის მთავრობას და სახელმწიფო დუმას.

და მართლაც იმ დროს, როცა საზოგადოების მაღალწრეებში გაბეფებულია „მკვდრული სიჩუმე“, წინანდელი რწმენა-შეხედულების უარყოფა, საზიზღარი სიმბდალე, შიში და ზნეობრივი გათახსიერება, გარყვნილება, ძირს კი, ხალხის მოწინავე ნაწილში, მუშათა შორის გროვდება ძალა, ღვივდება უკმაყოფილება, იფურჩქნება იმედი და ამნაირათ მზადდება მომავალი სამკვდრო სასიცოცხლო შეტაკება კონტრ-რევოლუციის ძალებთან. ჩვეულებრივ ის აზრია გავრცელებული, თითქოს მუშებმა უარყვეს „რევოლუციონური ილიუზიები“, დაკარგეს იმედი, თითქოს ისინი სულთ დაეცენ, ზურგი შეაქციეს რევოლუციას და ლეგალურ ორგანიზაციებს ეკედლებიან, თითქოს პარტიული ორგანიზაციები სულ ერთიანათ დაიშალონ. მარა თუ ჩვენ კარგან ჩაუკვირდებით იმ ცნობებს, რომელიც რუსეთის ყველა კუთხიდან გვესმის, სულ სხვა დასკვნას გამოვიყვანთ: დროებით, შესუსტების შემდეგ პარტიული ორგანიზაციები ისევ ფეხზე დგებიან, ისევ ახლდებიან, ძლიერდებიან: ძლიერდება აგრეთვე სოციალდემოკრატიული გავ-

ლენა მუშათა მასსაზე, რის გამოც მხნევდება ის, იწყებს ბრძოლას. აქედან ცხადია, რომ ჩვენ აუცილებლათ უნდა მოველოდეთ სალხის, ხელ-ახალ ადგომას; ხელ-ახალ რევოლუციონურ აზვირებებს.

რას ფიქრობს დღეს გლეხ-კაცობა? იქნებ ის უკვე შეურიგდა ბედს, აღარ ფიქრობს თავის მდგომარეობაზე, დაივიწყა თავისი მოთხოვნები?

რა თქმა უნდა, არა! დღეს რუსეთში ყველა აღიარებს, რომ, რაც დრო გადის, გლეხკაცობა სულ უფრო და უფრო იზრება მარცხნით. აი თვით რეაქციონურ მესამე დუმის გლეხთა ჯგუფის განცხადებაც: „1) ჩვენ მთელი რუსეთის გლეხკაცობის წარმომადგენელთ, გვსურთ მოვაგონოთ სახელმწიფო დუმას და მთავრობას, რომ ჩვენი დუმაში მოსვლის მიზანია-მაწის საკითხის გადაწყვეტა, 2) ამას ისიც უნდა დავსძინოთ, რომ ამ კითხვის შესახებ გლეხ-დეპუტატებ შორის არავითარი უთანხმოება ზრ არსებობს; ჩვენ პირველ და მეორე მუშაში ყველა ერთხმად ვაცხადებდით და მესამე დუმაშიაც იმასვე ვაცხადებთ, რომ საჭიროა გლეხთა მოთხოვნილება მიწებზე აუცილებლათ დაკმაყოფილდეს; 3) გლეხთა თემიდან გამოსვლა იმ სახით, როგორც ეს 9 ნოემბრის კანონით არის ნაჩვენები, სასურველი არაა. თვითონ გლეხებმა უნდა გადაწყვიტონ, თუ როგორი მიწათ-სარგებლობა ან მეურნეობა—თემური თუ კერძო—ოჯახური—არის მათთვის უფრო ხელსაყრელი“.

აქედან ცხადია, რომ გლეხთა კითხვის ძირითადი გადაჭრა არ ძალ-უძის არც დუმას, არც მთავრობას; გლეხკაცობის დაკმაყოფილება მხოლოდ და მხოლოდ რევოლუციის შედეგია. მაშ ასე, აშკარაა, რეჟიმისთვის არ დასრულებულა, ის ცოცხლობს: აგრძელებს ძაღს, იკრემს ენერგიას. მთარბა ამას გრძნობს და ის სულ უფრო და უფრო აძლიერებს თავის რეპრესიებს. როგორია რევოლუციის მომავალი და რა დანიშნულება მოვალეობა, რა მისსია აწევს კისრათ დღევანდელ ვითარებაში სოციალ-დემოკრატიულ პარტიას? ამაზე გაზეთის შემდეგ ნომერში.

მინისტრები სიმატლესაც აზრობენ!

სახელმწიფო დუმა მოვლენილია იმ აზრით, რომ შეაჩეროს ხალხის რევოლუციონური მოძრაობა, შექმნას ილიუზია, ვითომ არსებობს წარმომადგენლობითი დაწესებულება, რომლის საშუალებით შესაძლებელია კანონებისა და რეფორმების გამოცემა-განხორციელება და ვითომ საჭირო აღარ იყოს რე-

ვოლიუციონური ბრძოლა. ანკა ილიუზიების განმტკიცებაში განსაკუთრებით დაინტერესებულია მთავრობა და რევოლუციის მტრები. რომლებიც მულამ დაბეჯითებით ემსახურებიან ამ უალბი აზრების გავრცელებას. მაგრამ ქეშმარიტების დაფარვას უოველთვის ვერ ახერხებენ და ხან ერთს და ხან მეორე მინისტრს სინამდვილე წამოცდება. აი მაგალითებიც. ამას წინათ სახელმწიფო დუმაში არკვევდენ საკითხს, თუ როგორ უნდა შედგენილიყო დუმის კომისია, რომელსაც უნდა გამოეჭიკა საქმეთა მდგომარეობა რკინის გზებზე. ამის წინააღმდეგ გაილაშქრა ფინანსთა მინისტრმა კოკოვცევმა: ასეთი ანბები იქ ხდება, ამბობს მინისტრი, სადაც პარლამენტი, რუსეთში კი დვთის მადლით არ გვაქვს იგიო. კოკოვცევი ერთი გავლენიანი მინისტრთაგანია. იმან გამოსთქვა მთავრობის დაფარული აზრი. ვისაც კი ნამდვილი საქმეთა მდგომარეობა აინტერესებს, სიამოვნებით უნდა მიგებებოდნა მინისტრის ასეთ განცხადებას. ასე მოიქცა კიდევაც დუმის სოც დფრაქცია. ამხ. გეგეჟკორი აცხადებს. ჩვენ სიხარულით ვეგებებით ფინანსთა მინისტრის სიტყვებს, ეს განცხადება მაინც გააფანტავს გაუსწორებელ კონსტიტუციონალისტთა ილიუზიებსო. მაგრამ დუმა პურობა ჩრის გეგეჟკორს და თავმჯდომარე ტრიბუნიდან იახოვს მას. დუმაში იმართება ლიბერალური ვაცხანალია: ყველა ლიბერალები (კადეტები, ოქუომბრისტები) ერთი მეორეს ეცილებიან, რომ მინისტრის სიტყვები, როგორმე ჩააფუჩიონ.

ჩვენი მთავრობა ხშირათ აცხადებს ევროპის წინაშე, რომ რუსეთში რევოლუცია გათავდაო. მაგრამ აშკარათ სტყუიან: შინაგან საქმეთა სამინისტრო შეეკითხა ამას წინეთ გენერალ-გუბერნატორებს სამხედრო და გაძლიერებული წესების გაუქმების შესახებ და ყველასაგან უარი მიიღო. აი რას აცხადებს შინაგან საქმეთა მინისტრის ამხანაგი პაკაროვი სახელმწიფო დუმაში: „როცა ჩვენ ვლაპარაკობთ შეიქლება თუ არა ნორმალურ წესებზე გადასვლა, ჩვენ უნდა ავსწონ-დავსწონოთ ყველა ის ცნობები, რომელნიც ჩვენ ხელთა გვაქვს და სახიგადოებამ არ იცის, ჩვენ გვაქვს სხვა ვკარი ცნობები, რომელნიც მოწმობს, რომ სამწუხაროთ, მშვიდობიანი დრო კიდევ არ დამდგარა; თუ მივიღებთ, რომ რევოლუციის ქარიშხალი მიწყნარებას იწყებს, იმას მაინც უნდა ვხედავდეთ, რომ რევოლუციის ტალღები ჯერ კიდევ მაღლა სდგას. სამწუხაროთ არ შეგვიძლია ვსთქვათ თქვენს წინაშე, რევოლუცია ჩამქრალია“. ასეთია მინისტრის განცხადება რუსეთში აო აოის კონსტიტუცია, არამედ რევოლუცია, საჭიროა, ზოგიერთა პოლიტიკურმა ბაღლებმა ყურად იღოს ეს სიტყვები.

რუსეთის სოციალ-დემოკრატიულ მუშათა პარტიის ათი წლის თავი

(1898—1908)

მთავრობასთან ბრძოლაში დალია სული „ნაროდნაია ვო-
ლია“-ს პარტიამ შეთქმულობამ და ტერორმა ვერ შესძლო
რუსეთის თვითპყრობელობის მოსპობა. რევოლუციონერთა
წრებში დაიწყეს ახალი მზისა და საშუალების ძებნა. და აი, ამ
დროს არსდება მარქსისტთა ჯგუფი „შრომის განთავისუ-
ფლება. ახლათ დაარსებულმა ჯგუფმა აღნიშნა, რომ საჭიროა
ბრძოლის ახალი მეთოდი, რომ რუსეთში არსებობს კლასი-
პროლეტარიატი რომელიც თავის თავზე მიიღებს რევოლუ-
ციის საქმეს. მიუხედავად ნაროდოვოლცების ყვირილისა, რე-
ვოლუციის ლალატობენო, ჯგუფი „შრომის განთავისუფლე-
ბა“ მაინც ამბობდა და ამტკიცებდა, რომ განმათავისუფლებე-
ლი მოძრაობა რუსეთში გაიმარჯვებს, როგორც მუშათა მო-
ძრაობა, ან სრულიათ არ გაიმარჯვებსო. რუსეთის „სოცია-
ლისტური ინტელიგენცია“ უნდობლათ ისმენდა ამ სიტყვებს;
მაგრამ სამაგიეროდ გასული საუკუნის მე 90 წლების დაწყები-
დან ვატაცებით და ყურადღებით უსმენენ მათ მუშათა კლასის
უფრო შეგნებული პირები დიად ამათი შრომა უნაყოფოთ არ
ჩაიარა, 96 წელში პირველათ იჩინა თავი პროლეტარიატის
ფართო მოძრაობამ იფეთქა პეტერბურგის შესანიშნავმა გაფი-
ცვებმა, და თვითმპყრობელობა, რომელიც უძღვებდა „ნარო-
დოვოლცების“ ყუმბარებსა და ხანჯლებს, აი, ეს ამაყი თვით-
მპყრობელობა იძულებული გახდა დათმობის გზას დადგომო-
და. პროლეტარიატი აქცევს ყურადღებას: ბურჟუაზიული ინ-
ტელიგენცია ებლაუჭება ძარქსიზმს იმ აზრით, რომ თავის
გავლენის ქვეშ დააყენოს მუშათა მოძრაობა ჩნდებიან ეგრეთ
წოდებული ლეგალური მარქსისტები, რომელნიც ცდილობენ
ძარქსიზმის რევოლუციონური სულის კლასიკა ბრძოლის გა-
დაფუჩეჩებას, უარის ეოფას დღევანდელი ლიდერები კადეტე-
რისა იმ დროს თავს მარქსისტთა აცხადებენ. ჩვენი ამჟანაგები
ერთი მხრით სარკელობდნენ ლეგალური მარქსიზმით და იმა
ერთიან ერთათ თანამშრომლობდნენ ეურნალ გახეთებში მარქსი-
სტულ იდეების გასავრცელებლათ, ხოლო მეორე მხრით სასტიკათ
აკრიტიკებდნენ ლეგალურ მარქსისტებს და ააშკარავებდნენ იმათ
წინააღმდეგობას და სიყალბეს. მარქსიზმის შესწავლა შოდათ
გადაიქცა ახალ გაზრდობა მიდის მეშებში და შეაქვს იმათში
შეგნება. ასეთ პირობებში იწვევენ 1898 წელს რუსეთის სო-

სოციალ დემოკრატიულ მუშათა პარტიის პირველ სიეზდს. ამ სიეზდზე წარმომადგენელი ყავდა მხოლოდ ექვს უფრო დიდ ორგანიზაციას—მოსკოვს, პეტერბურგს, ეკატერინოსლავს, კიევს, ჩრ. დასავლეთის მხარეს და ბუნდს. მაგრამ, როგორც კი მუშებამდე მივიდა ცნობა პარტიის დაარსების შესახებ, მას ზედიზედ შეუერთდნენ ორგანიზაციებიც.

მაგრამ პირობები ჯერ კიდევ არ უწყობდა ხელს პარტიის არსებობას. „ცენტრი“ პოლიციას ჩაუვარდა ხელში. ორგანიზაციები ისევ დაშორდნენ ერთმანეთს. ერთათ ერთი შემადგენელი რგოლათ დარჩა სათაური. „რ. ს. დ. მ. პ.“ პირველ ხანებში ისე საგრძნობელი არ ყოდილა ცენტრის უქონლობა: მუშაობა შედარებით მარტივი იყო. მაგრამ მუშათა მოძრაობა ზღაპრულ გმირივით სწრაფათ იზრდება. იბადება ახალი კითხვები, მუშაობა რთულდება. დაისვა საკითხი, როგორ და პირობებში ვებრძოლოთ თვითმპყრობელობას. მუშათა კლასს გაუჩნდა უზარმაზარი საქმე—თვითმპყრობელობის მოსპობა. მაგრამ რა გზით?

ლევალური მარქსისტები და იმათი ამჟღად „ეკონომისტები“ ამტკიცებდნენ, რომ საკმარისია გაფიცვა მუშებისა. რუსეთის პოლიტიკური განახლება ეკონომიური გაფიცვებით მოხდებაო“. თვით ბიუროკრატია-ც დაინტერესდა მუშებით აწყობს მათ შორის ზუბატოვის ორგანიზაციებს და ჰპირდება ეკონომიური ბრძოლის თავისუფლებას, იმ პირობით, თუ პოლიტიკურ ბრძოლაზე უარს იტყვიან. მხოლოდ ერთათ-ერთი რევოლუციონური სოციალ-დემოკრატია უთითებდა ეკონომიურ და პოლიტიკური ბრძოლის მჭიდრო კავშირზე. მხოლოდ ის ამტკიცებდა, რომ ძლიერი და ნაყოფიერი ეკონომიური ბრძოლა მუშათა კლასისა შესაძლებელია პოლიტიკური წესწყობილების სრული დემოკრატიზაციის შემდეგ და მუშათა კლასი თავისი ეკონომიური მდგომარეობით იძულებულია იბრძოლოს პოლიტიკური თავისუფლებისათვის. საჭირო იყო შექმნილიყო პარტია რევოლუციონური სოციალ-დემოკრატიისა. ეს საქმე იკისრა გაზ, „ისკრამ“. მას გაერთიანება უნდა მოეხდინა პირველათ იდეურ ნიადაგზე. ისკრა არ ფიქრობდა ფართოდ და მასთან აქრელებულ პარტიაზე. აი, რას ამბობს იგი: „ჩვენთვის საჭიროა შეერთება, მაგრამ სანამ შევერთდებოდეთ და სწორეთ იმიტომ, რომ შევერთდეთ, საჭიროა ჩვენივე წრის შემოფარგვა“. ის მტკიცეთ საზღვრავს პროლეტარული ბრძოლის მოტივებსა და მეტოდებს. წვრილი და საშუალო ბურჟუაზიის ბრძოლისაგან;

მან შეიმუშავა ჩვენი რევოლუციონური პროგრამა და ტაქტიკა; ის შეუბრალებლათ თავს ესხმის თავის პრინციპიულ მოპირდაპირეებს და აიძულებს გაშორდეს რ. ს. მ. პ.-ს. „ისკრის“ პოლემიკის გავლენით „ლეგარული მარქსისტები გადადიან ლიბერალურ მემამულეთა ორგანოში „ოსვობოუდენიაში“, ხოლო წვრილი ბურჟუაზია თავს იყრის ნაროდნიკული რევოლუციონიზმის (ესერები) დროშის ქვეშ.

ამ ნაირათ „ისკრა“ ხდება ცენტრათ, რომლის საჭიროებას ყველანი გრძნობენ მუშათა მოძრაობის გაძლიერებისა გამო. მართალია, ეს ცენტრი არჩეული არ იყო, მაგრამ ცალკ-ცალკე ორგანიზაციები ზედი-ზედ აცხადებენ თავის თავს „ისკრის“ მომხრეთ. ცხადია, მარტო „ისკრის“ მიმართულებით არ შეიძლება აიხსნას მისი ასეთი გამარჯვება. თვით ცხოვრებამ შეუწყო მას ხელი. ცხოვრებამ გვიჩვენა, რომ ეკონომიური გაუმჯობესობანი არ ნიშნავს მტკიცე ვამარჯვებას, პოლიტიკური თავისუფლების უმისოთ. ის ყოველ წუთს უნდა მოელოდეს გაქრობას. საკმარისი იყო, დაეწყო კრიზისის რუსეთში მე-90 წლების ბოლოში და მე-900 წლების დასაწყისში, რომ ხინგრძლივის ბრძოლით მოპოვებული გაუმჯობესობანი ისევ გამქრალიყო. მთავრობა ერევა ეკონომურ ბრძოლაში ხაზინების სასარგებლოდ და ამით ის აჩქარებს თავისივე თავის დაღუპვას. მუშათა ფართო მასსა თვითონ გრძნობს პოლიტიკური ბრძოლის საჭიროებას. 901 წელს მუშები ღებულობენ მხურვალე მონაწილეობას სტუდენტების აკადემიურ ბრძოლაში. მონაწილეობენ ქუჩის დემონსტრაციებში და აძლევენ მას წმინდა პოლიტიკურ ხასიათს. მუშათა მასსა ამ დროს იმყოფება ს. დემოკრატიის იდეურ გავლენის ქვეშ, მაგრამ ორგანიზაციულათ კი ისინი თავის-თავათ მოქმედებენ. ყველანი გრძნობდენ შეერთების საჭიროებას. ასეთ პირობებში 1903 წელს ზათხულში ხდება პარტიის მეორე სიეზდი. აქ ღებულობენ „ისკრის“ რედაქციის მიერ შემუშავებულ პროგრამას. მაგრამ სიეზდმა ვერ გადასწყვიტა ორგანიზაციული კითხვა... ვერ შექმნა ერთი პარტიული ცენტრი. ჯერ კიდევ შეერთება არ მოესწრო პასტიას, რომ მან გაყოფა დაიწყო. ჯერ კიდევ ძლიერი აღმოჩნდა პარტიაში წინანდელი ეკონომიზმისა და „კულტარნიკობისადმი“ მიდრეკილება. შეუძლებელი დარჩა იმის შერიგება რევოლუციონურ სოც.-დემოკრატიასთან — უმრავლესობასთან. ორგანიზაციული განხეთქილება აღიარებული იქმნა მესამე პარტიული სიეზდის დროს, რომელსაც

უმცირესობა არ დაესწრო და გამართა მენშევიკური სრულიათ
რუსეთის კონფერენცია. *მეფეი ი. მ.*

**ანგარიში ამიერ კავკასიის ს. დ. ორგანიზაციათა
მეხუთე სიეზდისა.)***

ამხანაგებო! ეს ანგარიში ძალიან დაგვიანებულია, მარა
ვბეჭდავთ იმ მოსაზრებით, რომ პარტიულ მასსას მივცეთ სა
შეაღება, მოკლეთ მაინც გაეცნოს ამ საინტერესო სიეზდის
ავლა დიდებას. ეს მით უფრო საჭიროა, რომ ამ მასსას არ
მოუსმენია ცოტათ თუ ბევრათ ნადვილი ანგარიში ამ სიეზდისა.
სიეზდს დაესწრო გადამწყვეტის ხმით 12-15 დელეგატი. ფრა-
ქციული შედგენილობა სიეზდისა იყო თითქმის სრულიათ მენ-
შევიკური, მხოლოდ თფილისიდან დაესწრო გადამწყვეტი ხმით
ერთი დელეგატი ბოლშევიკი. ბაქოს ბოლშევიკურ ორგანი-
ზაციას თავისი სამი წარმომადგენელი არ გამოუგზავნია. სიე-
ზდმა განიხილა შემდეგი კითხვები: 1) საოლქო კომიტეტის
ანგარიში; 2) პარტიული მუშაობა; 3) პროფესიონალური კა-
ვშირები; 4) ახსნა-განმარტება ლონდონის რევოლუციისა, პა-
რტიზანულ გამოსვლების შესახებ და სხ.

პარტიული მუშაობა. ამ კითხვის შესახებ მოხსენება წაი-
კითხა ცეკისტმა, კავკასიის მენშევიკების ლიდერმა. მან თავის
სიტყვაში შეეცადა დღევანდელ მომენტის გარკვევას-და აქე-
დან სათანადო პარტიული ტაქტიკის დასკვნა -- დასაბუთებას.
მისი სიტყვის შინაარსი დაახლოვებით შემდეგი იყო: რუსეთის
რევოლუციამ განიცადა ორი პერიოდი: პერიოდი რევოლიუ-
ციონური გამოსვლების და პერიოდი რეაქციის გაბატონე-
ბის. სანამ რევოლუცია ბობოქრობდა, მას სათავეში ედგა
პროლეტარიატი და მისი პარტია -- ს.დ., ამ პერიოდში პრო-
ლეტარიატი იყო გეგემონი (მეთაური) რევოლუციის; მისი
დროშის და ხელმძღვანელობის ქვეშ იბრძოდნ სხვა რევო-
ლუციონური კლასები. მაშინ ხალხი დიდი ნდობით და სა-
სოებით შეჰყურებდა ს.დ. პარტიას, რომელშიაც ჰხედავდა
საუკეთესო მებრძოლს სახალხო ინტერესებისათვის. ბურჟუა-
ზიულ კლასებს და მათ პარტიებს მაშინ არ შეეძლოთ ასეთი,
როლი ეკისრათ თავის თავზე, ისინი ამისთვის ჯერ კიდევ არ
იყვენ მომწიფებული. მეორე პერიოდში, როცა რევოლუცია და-

*) ადგილის უქონლობის გამო რედაქცია იძულებული იყო შეემო-
კლებინა ეს წერილი და ბევრი საგულისხმო საკითხი, მაგ. საოლქო კ-ის
დიდათ საინტერესო ანგარიში და სხვ. სრულიად გამოეტოვებინა.

მარცხდა და რეაქცია გაბატონდა, ხალხის ბურჟუაზიული ნაწილი, თანდათან ჩამოეცალა ს. დ. პარტიას, დარწმუნდა — რა პროლეტარული პროგრამის და ტაქტიკის ვითომდა უფარგლობაშია და აწყობს თავის საკუთარ ორგანიზაციებს, რომლებიც უფრო სინამდვილით გამოხატავენ მათ კლასიურ ინტერესებს. სამი იენისის აქტი იყო რეაქციის გაბატონების დავვირგვინება. ეს აქტი გამოხატავს შავრაზმული თავად აზნაურობის მსხვილი ბურჟუაზიის შეკავშირებას სახელმწიფო ღუმის საფუძველზე ძველ ბიუროკრატიასთან. როგორი იყო ჩვენი ტაქტიკა დღევანდლამდე? ჩვენ წინეთ, განაგრძობს მომხსენებელი, გვაინტერესებდა მხოლოდ რევოლუციონური გამოსვლები, ჩვენი ტაქტიკა იყომხოლოდ ამ რევოლუციონურ გამოსვლების ტაქტიკა. ჩვენ მხოლოდ ამ გავოსვლებისათვის ვემზადებოდით. ჩვენ ვფიქრობდით მეგრძოდ დრუჟინებზე, შეიარაღებულ აჯანყებაზე, ბარიკადებზე და სხ. ნამდვილი ს. დ.-ული ტაქტიკა, პროლეტარიატის კლასიური თვით შეგნების გაღვივება და ორგანიზაციულად შეკავშირება მივიწყებული გვექონდა. რას მივალწიეთ ჩვენ ჩვენი თავგანწირული ბრძოლით? პროლეტარიატმა თავის სისხლით გაბატონება არგუნა რეაქციონურ კლასებს, დააჩქარა მათი შეერთება — შეკავშირება თვითმპყრობელობასთან. პროლეტარიატის გეგემონიამ პირველ პერიოდში მოგვიტანა რეაქციონური კლასების გეგემონია მეორე პერიოდში. როგორი უნდა იყოს დღეს ს. დ. ტაქტიკა? ყოვლის უწინარეს პროლეტარიატი სამუდამოდ უნდა გამოესაღმოს ამ რევოლუციაში თავის გეგემონიაზე ოცნებობას. თუ დღევანდლამდე ეს შესაძლებელი იყო, დღეის იქით ეს შეუძლებელია. ამის მიზეზია რუსეთის ბურჟუაზიის გათვითცნობიერება და პროლეტარიატის ოპეკისაგან თავის დახწევა. რევოლუცია გაიმარჯვებს, ამბობს მომხსენებელი, მხოლოდ იმ შემთხვევაში, თუ ამ რევოლუციის მეთაურად გამოვა თვითონ ბურჟუაზია და არა პროლეტარიატი, როგორც ეს წინეთ იყო. პროლეტარიატის მეთაურობა შემდეგში მოასწავებს ამ რევოლუციის დამარცხებას. დღეს ჩვენ უნდა შევიმუშაოთ წმინდა, ევროპიული ტაქტიკა. პროლეტარიატი უნდა მიდიოდეს თავის საკუთარი გზით სოციალიზმის განხორციელებამდე. ჩვენი მუშაობა უნდა გამოიხატებოდეს მუდმივ სოციალისტურ პროპაგანდაში და ორგანიზაციაში. ამისათვის ჩვენ უნდა გამოვიყენოთ ყოველგვარი ლეგალური დაწესებულებანი, როგორიც არის სახელმწიფო ღუმა, ადგილობრივი თვითმმართველობები, პროფესიონალური კავშირები, კოოპერატივები, განმანათლებ-

ბელი საზოგადოებები და სხვ. ჩვენი ტაქტიკა სრულიათ არ უნდა იყოს დამოკიდებული იმაზე, მოხდება თუ არა რევოლუციონური გამოსვლებიო. ბურჟუაზიამ თვითონ აწარმოვოს თავის საკუთარი რევოლუცია, ჩვენ — ჩვენი პროლეტარული საქმე უნდა ვაწარმოვოთო, ათავენს მომხსენებელი.

მომხსენებელს მენშევიკს უპასუხეს თითო-ორიოლა მენშევიკმა და ბოლშევიკმა. მენშევიკები შეეცადენ მოხსენების ზოგიერთ მოსაზრებათა გაკრიტიკებას, მარა ეს კრიტიკა ისეთი მკრთალი, გაუბედავი და ბუნდოვანი იყო, რომ სრულიათ უნაყოფოთ ჩაიარა. ბოლშევიკმა წამოაყენა შემდეგი მოსაზრებანი: რუსეთის რევოლუცია დროებით შეჩერდა და გაგრძელება აუცილებელია, რადგანაც არც ერთი საჭირ ბოროტო კითხვა, რომლის დბდაქრასაც მოითხოვდა რევოლუცია, ჯერ არ გადაჭრილა. დღეს გაბატონებული რეაქცია, მართალია ძალიან ძლიერია, მაგრამ მაინც დროებითია. ის კლასები, რომლებიც დაინტერესებული არიან რევოლუციის სრულ გამარჯვებაში; არის პროლეტარიატი და გლეხ-კაცობა. საშუალო ბურჟუაზია დიდი ხანია ასრულებს ამ რევოლუციის მხოლოდ მესაფლავეს როლს, იგი კონტრ-რევოლუციონურია. თუ როდისმე შეიძლებოდა ლაპარაკი პროლეტარიატის და გლეხ-კაცობის დიქტატურაზე, აწი ეს მით უფრო აუცილებელი ხდება, რომ რევოლუცია სრული გამარჯვებით დაგვირგვინდეს. თუ დღემდე შესაძლებელი იყო პროლეტარიატის მეთაურობა რუსეთის რევოლუციაში (რასაც მენშევიზმი წინეთ სრულიათ უარ-ყოფდა და რასაც ეხლა უკვე ფაქტათ აღიარებს მენშევიკთა ლიდერი), მომავალში ეს მით უფრო აუცილებელია, რადგანაც მხოლოდ პროლეტარიატს აქვს ასეთი მეთაურობის უნარი.

თუ წინეთ შეიძლებოდა ლაპარაკი შეიარაღებულ აჯანყების აუცილებლობაზე თვითმპყობელობის დასანგრევათ და რესპუბლიკის დასამყარებლათ, დღეს უფრო მეტი საბუთი გვაქვს ამის ქადაგების, რადგანაც დღევანდელი ოქტომბრისტულ და შავრაზმულ კონტრ რევოლუციის დამარცხება მით უფრო შეუძლებელია შეიარაღებულ ბრძოლის გარეშე. პროლეტარიატის კლასიური ინტერესები მოითხოვს რევოლუციის გამარჯვებას და რესპუბლიკის დამყარებას, და რაგინდ ძვირათ დაუჯდეს მას ეს გამარჯვება, იგი მაინც მოგებაში დარჩება. არც ერთი კლასი არაა ისე დაინტერესებული ამ რევოლუციის სრულ გამარჯვებაში, როგორც პროლეტარიატი, და ამიტომაც, ვერც ერთი კლასი ვერ იბრძოლებს ისე თავგანწირულათ, როგორც

პროლეტარიატი. ევროპის ს. დ. ტაქტიკის იდეალათ დასახ-
ვაზე ლაპარაკი რუსეთის დღევანდელ პირობებში სოციალდე-
მოკრატიებისათვის შავნე ოცნებაა და მეტი არაფერი: სოცია-
ლური და პოლიტიკური პირობების მხრით ევროპა და რუსე-
თი წარმოდგენენ ერთი მეორის მოპირდაპირე პოლიუსებს.
თქვენ მენშევიკებო ფუჟად ოცნებოეთ პარტიის, ლეგალიზა-
ციაზე და ამას უფარდებთ თავის ტაქტიკასაც, რისთვისაც სრუ-
ლიათ უარყოფთ რევოლიუციონურ მეთოდს ბრძოლისას. ჩვენ
ფიქრობთ პირიქით. თქვენ ლაპარაკობთ კლასიურ შეგნებაზე
და ორგანიზაციაზე, მაგრამ ეს ხომ მუდმივი მიზანია ს. დ.
თქვენ სრულიათ გავიწყდებათ, რომ რევოლიუციის ღროს ს.
დ. ტაქტიკა დიდათ განსხვავდება მშვიდობიანი დროის ტაქ-
ტიკისაგან. მაგრამ თქვენ ერთის მხრით მართალი ხართ, როცა
ფიქრობთ, რომ რუსეთის რევოლიუცია შეჩერდა არა რამდენ-
იმე წლით, არამედ რამოდენიმე ათი წლით, თუმცა ამას აშ-
კარათ და ნათლათ ვერ ამბობთ. ჩვენ, რასაკვირველია, ფარ-
თოდ უნდა გამოვიყენოთ ყოველნაირი ლეგალური დაწესებუ-
ლება რევოლიუციის და კლასიური თვით შეგნების გასაღრმა-
ვებლათ, მარა რევოლიუციონური ტაქტიკის გასატარებლათ
აუცილებლათ საჭიროა არალეგალური და ქონსპირატიული
ორგანიზაციები. ათავებს ბოლშევიკი.

სიეზდმა მიიღო რევოლიუცია. რობელსმც საფუძვლათ
დაედო პირველი მომხსენებლის სიტყვა.

(დასასრული იქმნება)

რ. ს. დ. მ. კ. ცენტრალურ კომიტეტის წერილი

ადგზლობრივ ორგანიზაციების მიმართ.

დღევანდელ ვითარებაში—მოძრაობის დროებით შეჩერე-
ბის დროს, პარტია მთელ თავის ძალღონეს მიმართავს მუშა-
თა მასის შეკავშირებასა და შეგნებისაკენ.

ამ მიზნით ის ყოველგვარ საშუალებას ხმარობს: აწყობს,
ამაგრებს და ავითარებს პროფ. კავშირებს; კოოპერატივებს,
განმანათლებელ დაწესებულებებს, მმართავს ფართე პოლიტი-
კურ აგიტაცია—პროპაგანდას და, მონაწილეობას იღებს ქვე-
ყნის პოლიტიკურ ცხოვრებაში. პრესისა და ღუმის ს. დ. ფრა-
ქციის საშუალებით. პარტიული მუშაობის ყველა ეს მხარეები
გარკვეულ-სანმარტებულოდ თანხა დროზე ც. კ. წერილებ-
ში აღ. ორგანიზაციების მიმართ; ექვსა. და გაუგებრობას იწ-

ვეს მხოლოდ ც. კ.-ის ღუმის ს. დ. ფრაქციასთან დამოკიდებულება და ურთიერთობა.

უწინარეს ყოვლისა ამ წერილში ჩვენ უნდა ავსუხოთ თუ რა გააკეთა ფრაქციამ და როგორ წაიყვანა მან საქმე.

თუ რა ტაქტიკას უნდა დადგომოდა ფრაქცია თავის მოღვაწეობაში, ეს თავის დროზე ნათლათ აღნიშნა პარტიულმა უკანასკნელმა კონფერენციამ, რომელმაც მისცა მას სახელმძღვანელოთ გარკვეული დირექტივები და რაც დამტკიცებული იყო თავის დროზე ც. კ. მიერ. კონფერენციის მიერ აღიარებული ტაქტიკა სავსებით შეთანხმებული იყო ლონდონის სიზდის რეზოლიუციებთან. უწინარეს ყოვლისა ამ ტაქტიკით ფრაქციას დაევალი, რომ მან მხედველობაში უნდა იქონიოს უმთავრესათ ხალხის, განსაკუთრებით პროლეტარიატის შეკავშირება — შეგნების განვითარება. ამასთანავე პარტია, თუმცა საბოლოო მიზანს — სოციალიზმის დამყარებას არასოდეს არ ივიწყებს, ცდილობს რევოლუციურ — დემოკრატიულ მიზნით გამოიყენოს ფართე მასების არსებული შეგნება და კავშირი. ამ რიგათ ფრაქცია ვალდებული იყო სახელ. ღუმელში გარკვევით, სავსებით და შეუკვეცელათ წამოეყენებია ს. დ. მოთხოვნები იმ შემთხვევაშიაც კი, როცა გარეგნულათ ის სხვა პარტიასთან ერთად ხმას აძლევდა რომელიმე საკითხის შესახებ; ვალდებული იყო აგრეთვე ყოველთვის და ყოველ შემთხვევაში ნათლათ გამოეხატა თავისი სოციალ-დემოკრატიული თვალსაზრისი თავის ორატორების სიტყვებში, დეკლარაციებში და მორიგ საქმეებზე გადსვლის ფორმულებში. დასასრულ კონფერენციამ დაავალა მას რამდენიმე განსაკუთრებული „გამოსვლა“, მაგალ. მას უნდა წარმოეთქვა თავისი საზოგადო დეკლარაცია მთავრობის წარმომადგენლის დეკლარაციის საპასუხოთ და უნდა შეიტანა შეკითხვა პიენისის საარჩევნო კანონის შესახებ.

ექვი არაა, ფრაქცია ბევრ თავის გამოსვლებში მტკიცეთ იცავდა ზემოაღნიშნულ ტაქტიკას.

მარა ც. კ. არ შეუძლია, მწუხარებით არ აღნიშნოს მესამე ღუმის ს. დ. ფრაქციის სხვა გვარი „გამოსვლები“, რაც შეიცავდა შეცდომას, და პარტიულ ტაქტიკიდან აშკარა გადახვევას.

ც. კ. ამ წერილით აცხადებს ფრაქციის ყველა ასეთ შეცდომას და გადახვევას.

შეგნებაზე მცირე შეცდომა ფრაქციისა მდგომარეობს იმა-

ში, რომ მან სახელმწიფოს დაცვის კომისიის სხდომების ხასიათზე კამათის დროს, თუმცა საკუთარი შეხედულება—აზრი ნათლათ და გაბედულათ გამოთქვა, მარა ვერ შენიშნა ქაღებების პოზიციის ყალბი მდგომარეობა და შესაფერი კრიტიკით ვერ შეეხო მას. შეცდომა მარტო ფრაქციას არ მიეწერება, აქ წილი უღევს იმ კომისიასაც, რომელიც დაარსებულია ც. კ.-სთან და ვალებდულია ხელმძღვანელობა გაუწიოს ფრაქციას.

უფრო სერიოზული იყო ის შეცდომა, რომელიც მოუვიდა ფრაქციას იმ პოლიტიკის დაფასების დროს, რომელსაც აწარმოებს მთავრობა შორეულ აღმოსავლეთში: ამ კითხვაზე ფრაქციის ორატორს არ უღაპარაქნია. დეკლარაცია კი, რომელიც მან წარადგინა, თავმჯდომარემ წინააღმდეგ კანონისაო მიიღო, რაზედაც ფრაქციამ სამართლიანი პროტესტი განაცხადა.

შემდეგ ს. დ. ფრაქციის შეცდომა გამოიწვევა ხმის მიცემაში, რომლითაც მან ხელი შეუწყო სახალხო განათლების სამინისტროს სასარგებლოთ 7 მილიონი მან. გადადებას. როდესაც ს. დ. ორატორმა კრიტიკის ქარცეცხლში გაატარა დღევანდელი შკოლური სისტემა და აღნიშნა სამინისტროს შევრახებული პოლიტიკა სწავლა-განათლების საქმეში. ც. კ. აზრით ასეთი კრიტიკის შემდეგ ხმის მიცემის დროს ფრაქციას მოითხოვებოდა თავის შეკავება და ამ თავშეკავების სრული, ყოველმხრივი დასაბუთება.

სუსტი და შეუფერებელი იყო აგრეთვე ფრაქციის გამოხატული სახელმწიფო ხარჯთ-აღრიცხვის შესახებ საერთო საზოგადო კამათის დროს: სახელმწიფოს გასავალის უკრიტიკოთ დატოვება და მთელი ხარჯთ-აღრიცხვის სოციალისტური მოტივების დაუსახელოებლათ უარყოფა ფრაქციის მხრივ შეცდომით უნდა ჩაითვალოს.

დასასრულ, ც. კ.-პასუხის მგებლობას სრულიათ. ვერ იკისრებს. ს. დ. ფრაქციის სახელით დუმაში წაკითხულ დეკლარაციისათვის; მართალია მოსაწონი და მისილებია გამოსვლის თვით ფაქტი, დეკლარაციაში გამოთქმული ზოგი აზრი; მარა ლოზუნგებისა და მოთხოვნათა შეკვეცა—შემოკლება ერთიანათ ეწინააღმდეგება ს. დ. პარტიის მიერ აღიარებულ ტაქტიკას; ეს კი, შეიძლება დაბეჯითებით ითქვას, შეგნებულათ და წინასწარ განძრახვით ნამოქმედარია მესამე დუმის ს. დ. ფრაქციის მიერ.

ამას გარდა ფრაქციას სხვა შეცდომებიც მიუძღვის თავის მოქმედებაში. მაგალ. ფრაქციის ერთმა ნაწილმა მონაწილეობა მიიღო ღუმის საერთო ოპოზიციის თათბირში, რასაც პოლონელი „ნაროდოვცები“ და „მშვიდობიან განახლების“ პარტიის წევრნი დაესწრენ. ც. კ.-ას გადაწყვეტილებით ფრაქციას საერთო ოპოზიციის კრებებზე ცნობების მისაღებათ შეუძლია გაგზავნოს. მხოლოდ ორი-სამი კაცისგან შემდგარი დელეგაცია.

ფრაქციის შეცდომათ ჩაითვლება აგრეთვე ის, რომ მან გადაწყვიტა ღუმის პრეზიდიუმის არჩევის დროს ხმა მიეცა „მშვიდობიან განახლების“ პარტიის წევრისთვის, მარა, როცა ც. კ. ამის წინააღმდეგ წავიდა, ეს შეცდომაც ფრაქციამ მალე გაასწორა.

აი ყველა ის შეცდომები, რომლებიც დღემდე ფრაქციას მოუვიდა და რაიც თავის დროზე ბოლოს და ბოლოს ც. კ. სთან შეთანხმებით შესწორებული იქნა; ც. კ. აზრით საჭიროა აგრეთვე მთელმა პარტიამ იცოდეს არა მარტო ის, თუ რა გააკეთა და რაში შეცდა ფრაქცია, არამედ ისიც, თუ რა უნდა გაეკეთებია და ვერ გააკეთა.

კონფერენციისაგან ფრაქციას დავალებული ქონდა: შეკითხვა შეეტანა სახელმწ. ღუმაში პ. იენისის საარჩევნო კანონის შესახებ (სახელმწიფოებრივ გადატრიალებაზე), მარა კანონის ძალით შეკითხვა რომ შედგეს, ამისთვის საჭიროა ხელი მოაწეროს მაზე 30 დეპუტატმა; ფრაქცია კი სულ შედგება 19 კაცისგან. ბევრი ეცადა ფრაქცია სხვა ოპოზიციონურ დეპუტატებში მოეძებნა ხელის მომწერი (ტრუდ. კ. დ. და სხვ.); მარა ვერც ერთ ბურჟუაზიულ პარტიის ვერც ერთმა წევრმა ვერ გაბედა აშკარათ წინააღმდეგობა გაეწია პ. სტოლიპინისთვის და შეკითხვაზე ხელი მოეწერა. ამ შემთხვევაში, მართალია ფრაქციამ ვერ შესძლო საქმის გაკეთება, მარა მან ღირსეულათ შეასრულა თავის მოვალეობა.

იყო მეორე ასეთი შემთხვევაც. ფრაქციას უნდა შეეტანა შეკითხვა ნოვოროსიის გენერალ-გუბენატორ პრევეალსკის შესახებ, რომელმაც პორტის მუშებს პასტორტები ჩამოართვა და მის ნაცვლათ ნომრებით და პატრეტებით შემკული კვიტანციები დაურიგა, რომ მუშებს ისინი ქუდზე მიკრული ეტარებიათ. ფრაქციამ ამ შეკითხვაზე თუმცა 30-ზე მეტი ხელი მომწერი იშოვა, მარა მას ხელთ არ ქონდა ის წერილობითი

საბუთი—გუბერნატორის დაბეჭდილი განკარგულება, —რასაც აუცილებლათ მოითხოვდა როგორც შეკითხვების კომისია, ისე მთელი ღუმა; ამიტომ, თუმცა მას ამ ფაქტის შესახებ სარწმუნო კერძო წერილი ქონდა ხელთ, უკან წამოიღო თავის შეკითხვა და უყურადღებოთ დატოვა, რაც ც. კ. აზრით შეცდომას წარმოადგენს. საჭირო იყო ამ შეკითხვის ყოველ შემთხვევაში ღუმისთვის წარდგენა და თუ ღუმა უარყოფდა მას, ამით ის ერთხელ კიდევ გამოაშკარავებდა, რომ-ის მთავრობის დამცველია.

აღსანიშნავია ის გარემოება, რომ დღემდე ფრაქციას ღუმაში არც ერთი კანონ პროექტი არ წარუდგენია. მეტათ სამწუხარო და არა სასურველი ფაქტია, მარა აქაც დამაბრკოლებელი მიზეზი გარეშე პირობებია: უმთავრესად ტექნიკური. კანონ-პროექტის შემუშავება დღევანდელ პერობებში, ეს მეტათ სამძიმო და რთული საქმეა—განსაკუთრებით ახსნა—განმარტების წერილის შედგენა.

ფრაქციასთან დაარსებული მომამზადებელი კომისია უკვე ამუშავებს რამდენიმე კანონ-პროექტს მუშათა საქმის, ჯგერულუკოსვის და თვითმშრომლობის შესახებ. გაფიცვის შესახებ ფრაქციას უკვე შემდგარი აქვს კანონპროექტი და შედგენილია განმამარტებელი წერილის ერთი ნაწილიც: საზოგადოთ შემუშავებული კომისია საჭირო ძალების დიდ ნაკლებობას გრძნობს; და ეს მით უფრო საგრძნობელია ჩვენი ფრაქციისთვის, რომ მას უხდება ისეთი კანონ-პროექტების შემუშავება, რომლებიც დაფუძნებულნი უნდა იქნენ სრულიათ ახალ საფუძველზე და პრინციპებზე, რომელთა დასასაბუთებლათ საჭიროა უღრმესი და უძლიერესი მეცნიერული აპარატი, მიუხედავთ ასეთ დაბრკოლებისა ფრაქციას იმედი აქვს, რომ მალე წარუდგენს ღუმას. საკუთარ კანონ-პროექტს განმამარტებელი წერილით დასაბუთებულს.

აი ყველაფერი ის, რის დასახელებაც კი შეუძლია. ც. კ. ფრაქციის შესახებ. ც. კ.-ს საჭიროთ მიაჩნია პარტიის წევრებმა იცოდნენ, რა გააკეთა, ან რა არ გააკეთა და ან რა შეცდომა ჩაიდინა ფრაქციამ. მისი შეცდომები მხოლოთ კერძო და გამოჩალი იყო, საზოგადოთ კი ის თავის გამოსვლებში იცავს პარტიულ ტაქტიკას და მოვალეობას, რაც მეტათ გაძნელებული და ზოგჯერ მოუხერხებელიცაა მრავალ გვარ გარეშე პირობებისა გამო.

მიუხედავთ ასეთი სიძნელისა, ფრაქცია წინ მიდის და

გვაქვს საფუძველი ვიფიქროთ, რომ კვლავაც წინ ივლის: ის მტკიცეთ შეასრულებს თავის მოწოდება-დანისწულებას.

ამიტომ სრულიათ უსაფუძვლოთ და უდროვოთ მიაჩნია ც. კ.—ს ის აზრი, უკვე ორიოდე პარტიულ ორგანიზაციაში აღძრული, თითქოს საჭირო იყოს ფრაქციის მესამე ღუმიდან გამოწვევა. სოციალ-დემოკრატებმა არ იცის და არც ცნობს იგი, რომ არსებობდეს პოლიტიკური ბრძოლის, ერთათ-ერთი და მხოლოდ განსაკუთრებული თაღისმა-საშუალება.

სოც.-დემოკრ. სარგებლობს ყველა გზით და საშუალებით პროლეტარიატის ინტერესებისათვის. და აი მესამე ღუმიც ერთი ამ საშუალებათაგანია. მისი არსებობა განსაკუთრებული სიცხადით ააშკარავებს თვითმპყრობელობის შემმაგრებელ სოციალურ ბურჟუებს და იმ გარემოებას რომ, დღევანდელი მთავრობა, ეს კომიტეტია თავად-აზნაურობის და მტაცებელ ბურჟუაზიის. ს. დ. ღუმის ტრაბუნიდან ნაწლათ უხატავს ხალხს ამ ქეშმარიტებას და ახდენს აგიტაციას. რაც მეტათ საჭიროა მასის შეკავშირებისა და შეგნების გინვითარებისათვის.

ც. კ.

პარტიის ცხოვრებიდან.

გამარჯვებული კონტრ-რევოლიუცია, როგორც ეს მალაოდნელი იყო, განსაკუთრებით თავს დაატყდა პროლეტარიატს და მის პარტიას—სოციალ-დემოკრატებს. წაართვა მას ყოველგვარი საშუალება აშკარა ბრძოლისა და აიძულა იგი კვლავ შედგომოდა ფარულ მოქმედებას.

მთავრობის რეაქციის გაძლიერებასთან ერთათ გაძლიერდა რეაქცია ხაზინებისა. კაპიტალისტებს თან და თან უკან მიაქვთ რევოლიუციის დროს მოპოვებული გაუმჯობესებანი: აღიდებენ ჩამუშაო დღეს შემოაქვთ ზედმეტი მუშაობა, კრძალვენ ყოველგვარ კრებებს ქარხნებსა და ფაბრიკებში, ითხოვენ შეგნებულ მუშებს და სხვ.

ამავე კონტრ-რევოლიუციის გამარჯვებამ გული გაუტეხა სოციალ-დემოკრატიულ ინტელიგენციას და პარტიის ჩამოაშორა იგი. პეტერბურგში, ამ ინტელიგენციის ცენტრში, ამას წინეთ არჩეულ იქმნა კომიტეტი თითქმის სულ მთლათ მუშებისაგან. ივანო ვაზნესენსკში კონფერენცია და კომიტეტი სულ მთლათ მუშებისაგან შესდგება, მუშები არიან ამავე ორგანიზაციაში პროპაგანდისტებათ დაბალსა და საშუალო

წრეებში. ასევეა ყირიმის კავშირის ორგანიზაციებში, ურალში და სხვაგან. ინტელიგენტები გაექცენ პარტიას და მმართველ მუშები იძულებული ხდებიან მთელი პარტიული მუშაობა: ორგანიზაციული, ლიტერატურულიც კი, პროპაგანდა—აგიტაცია და სხვ. თვითონ იკისრონ

ერთი მხრივ, მთავრობისა და კაპიტალისტების მიერ სასტიკმა დევნამ და შევიწროვებამ, ხოლო მეორე მხრივ, ინტელიგენტების გაქცევამ თავისი დაღ დაასვა პარტიის ცხოვრებას: მუშაობა ორგანიზაციებში შეფერხდა, პარტიის წევრთა რიცხვმა იკლო, ზოგ ადგილას ორგანიზაციები სრულიყო დაინგრა.

მაგრამ პარტია მაღე თავს აღწევს ამ კრიზისს, ის ეგუება ახალ პირობებს. დღეს ყოველ კუთხიდან იწერებიან: მუშაობა ახლდება, ორგანიზაციები ისევ შენდება და ძლიერდება, პარტიის წევრთა რიცხვს დღით-დღე ემატება, გავლენა მუშათა მასაზე შესამჩნევად იზრდება და პარტია კვლავ სათავეში უდგია პროლეტარიატის პოლიტიკურსა და ეკონომიურ ძრძოლას.

მუშაობა ისევ ახლდება იწერებიან ივანოვანესენკიდან. ორგანიზაციები შენდება, დარჩენილი ამხანაგები ისევ იკრიბებიან და აღგენენ ახალ-ახალ ძირითად ორგანიზაციებს, ამ ჟამათ აქ ითვლება 600-მდე პარტიის წევრი. ნიჟნ-ნოვგოროდიდან, ნიჟეგოროდის საოლქო ორგანიზაციიდან, იაროსლავიდან და ბევრ სხვა ადგილებიდან. იუწყებიან: გასულ წელს ორგანიზაციები თითქმის მთელათ დაინგრა, მაგრამ დღეს მუშაობა ახლდება და ორგანიზაციები დიდის სისწრაფით იზრდებიან. ყირიმის კავშირი კარგა ხანია ფაქტიურათ აღარ არსებობს, სწერენ იქიდან, დრო იყო, რომ ვფიქრობდით, სულ ისპობა ორგანიზაციებო, მაგრამ დღეს მუშაობა კვლავ განახლდა, ორგანიზაციები ფეხზე დგება, საჩქაროთ ერთმანეთს უკავშირდება და ჩქარა ყირიმის კავშირიც განახლდება. პეტერბურგში, სულ რომ ცოტა ვიანგარიშოთ, სამი ათასამდე აქტაურათ მომქმედი წევრი იქნება ორგანიზაციაში. განახლდა მუშაობა წრეებში, ზოგიერთ რაიონში, ათობით ითვლება წრე, კავშირდებიან მრავალ რიცხვოვანი ხელოსნები და მოლაპარაკება აქვთ კომიტეტთან; ძლიერია პარტიის გავლენა მუშათა მასაზე, რასაც მოწმობს, სხვათა შორის, 22 ნოემბერს მომხთარი გაფიცვა, რომელიც გატარებულ იქმნა წინააღმდეგ ესერებისა და ნაწილ. მენშევიკებისა.

(როგორც ვიცით 22 ნოემბერს-მეორე დუმის სოც. დემ. ფრაქციის გასამართლების დღეს პროტესტის ნიშნათ გაიფიცა პეტერბურგში 75 ათასამდე მუშა).

ურალში, ამ უდიდეს სამრეწველო ცენტრში, საერთოთ პარტიის წევრთა რიცხვს ცოტათი დაუკლია, მარა მუშაობა ძლიერი ყოფილა და ირის დღესაც. მაგ. მთელ ურალის რაიონში არსებობს 11 არა ლეგალური სტამბა. ამათგან მარტო უფის სტამბას დაუბეჭდია წლის განმავლობაში ნახევარი მილიონ მღწოდება, გაზეთი და წიგნაკები. ურალის რაიონში სხვა და სხვა ალიგას გამოდის ათამდე ნებადაურთველი გაზეთი, სხვათა-შორის, გლეხებასათვის და სალდათებისათვის ცალცალკე სპეციალური გაზეთი. უკანასკნელ ორის წლის განმავლობაში პარტიის გავლენა მუშათა მასაზე სულ უფრო და უფრო მატულობდა, სწერს კორესპონდენტი. კარგათ მიდის აგრეთვე მუშაობა პოლონეთისა და ლიტვის სოციალ-დემოკრატიის ორგანიზაციებში, როგორც აპრილში მომხდარ კონფერენციის ანგარიშებიდან ვგებულობთ.

მიუხედავთ საშინელი რეპრესიებისა, ვკითხულობთ ანგარიშში, ორგანიზაციები მხოლოდ ცოტათი შესუსტდენ, მაგრამ პარტიული მუშაობა ჩვეულებრივის ენერგიით სწარმოებს და პარტიის გავლენა მასაზე ძლიერია. ვარშავაში, მაგალითად, 1 აგვისტოდან 1 მარტამდე მომხდარა 279 სამაცადინო კრება, 19 კონფერენცია, 97 მასოვკა (რომელსაც დასწრებია 7860 კაცი) ამ ჟამათ. 108 საწარმოვო დაწესებულებაში თთვლება 2787 პარტიის წევრი. ბაქოში, როგორც გასულ თვეებში მომხდარ კავკასიის სიეზდის ანგარიშიდან სჩანს ორგანიზაცია გაზრდილა. საერთოთ მიუხედავთ საშინელი რეპრესიისა, ყველა დიდ სამრეწველო ცენტრების პარტიული ორგანიზაცია მტკიდეთ დგას და დიდი გავლენაც აქვს პროლეტარულ მასაზე ხოლო, წვრილ სამრეწველო რაიონებში დროებით შესუსტებულა და დღეს ისევ ძლიერდება.

ნათქვამია, ზოგი ჭირი მარგებელიაო: თუ ინტელიგენციის გასვლამ პარტიიდან, ერთის მხრივ, დროებით შესუსტა ორგანიზაციები, სამაგიეროთ ინტელიგენციის გაშორებით პარტია იწმინდება ყოველგვარ რყევისა და ოპორტიუნიზმისაგან. ინტელიგენციისათან ერთათ, პარტიას შორდება მენშევიზმიც და მის ადგილს იჭერს რევოლუციონური სოც. დემოკრატია ანუ ბოლშევიზმი. დღეს მთელ რუსეთს დაივლით და სერიოზულ მენშევიკურ მუშათა ორგანიზაციას, გარდა თფი-

ლისისა ველარსად შეხვდებით, თუცა ამ უკანასკნელის სერი-
ოზობაც ძალიან საეჭვოა. როგორც ვიცით, რუსეთში მენშე-
ვიკური ორგანიზაციები ძლიერი იყვენ მხოლოდ წვრილ სამ-
რეწველო რაიონებში, მაგრამ დღეს ასეთ რაიონებში ძველი
ორგანიზაციები თითქმის ყოველგან დაინგრა, მაგ. ყირიმის
კავშირი და სხვ. და მის ადგილას შენდება თვით მუშების
მიერ ბოლშევიკური ორგანიზაციები: ხოლო მსხვილ სამრეწ-
ველო ცენტრებში, მენშევიკები ან სრულიადად არ იყვენ, მაგ.,
ურალში, ივანოვანესენსკში და სხვ. ან ძლიერ სუსტნი იყ-
ვენ. მაგ., პეტერბურგში. დღეს ასეთი ცენტრებიც სრულიადად
იწმინდება მენშევიკებისაგან. პეტერბურგიდან იწერებიან, მენ-
შევიკები პარტიიდან ჯერ გადავიდნენ პრ. კავშირებში, მერმე
აქედან კოოპერატივებში, ხოლო უკანასკნელიდან ბევრი მათ-
განი უფრო შორსაც მიიბარგებიანო.

აშკარაა, რომ მენშევიზმის გაძლიერებას პარტიაში ხელს
უწყობდა ინტელიგენცია და მის წასვლასთან ერთად მენშე-
ვიზმიც სრულიად მისუსტდა.

დასასრულ საჭიროდ მიგვაჩნია, ადგილობრივი ამხანაგე-
ბის საყურადღებოთ აღვნიშნოთ შემდეგი მოვლენა: ადგილობ-
რივი პარტიული ორგანიზაციის წევრებმა თითქმის არაფერი
არ იციან თავისივე პარტიის ცხოვრებისა. ბევრმა აქაურმა
ამხანაგმა არც კი იცის, რუსეთში ახსებობს ამ ჟამათ რაიმე
ორგანიზაცია, თუ არა. აშკარაა, რომ ასეთი უფიცობის მთა-
ყვარი მიზეზია ფრაქციული მტრობა და შურიანობა. როგორც
შემოთ დავინახეთ, პარტიის ცხოვრება დღეს მთელ რუსეთში
ზეიცავს სხვათა შორის მენშევიკურ მიმდინარეობის დამარცხ-
ებას და ბოლშევიზმის გამარჯვებას. პარტიის ცხოვრების გა-
ზრდა ნიშნავს, აი, ამ სინამდვილის დანახვასაც და ამიტომ
ცენი ხელმძღვანელი ორგანიზაციები საოლქო კომიტეტი,
ჩოფილისის კოლექტივი და სხვ გვიმაღვენ ამ სინამდვილეს.
ფრაქციული მტრობა იქნამდე მიდის. რომ ადგილობრივ ენებ-
ზე ლანდონის ჰარტიული სიუზდის რეზოლიუციებიც კი არ გა-
მოსცეს და ბესამე დუმის ჰარტიული საარჩევნო პლათფორმაც
კი არ გაგვაცუნეს; არ დაუბეჭდიანთ აგრეთვე პარტიის ცენ-
კომიტეტის მიერ გამოცემული რეზოლიუციები პროფესიონა-
ლურ კავშირებისა და კოოპერაციების შესახებ, არ გადმოებეჭ-
დეს ც. კ. მოწოდება პირველი მაისისათვის და საზოგადოთ
არც ერთი ც. კ. წერილი ორგანიზაციების მიმართ. ასე იქ-
ცევა ჩვენი ხელმძღვანელი ორგანიზაციები და ამავე დროს
გასავალს აძლევენ სხვა და სხვა ქორებს, მაგ. რუსეთში პარ-

ტიული ორგანიზაციები გაქრა და მარტო თფილისში-ღა არსებობსო და სხვა.

საჭიროა, თვით მუშებმა მიაქციონ ყურადღება ასეთ არანორმალურ მოვლენებს და თავიდან აიცილონ იგი.

პირველი რაიონი. (თფილისი). ფრაქციული პოლიტიკა მენშევიკებისა იქნამდე მივიდა, რომ პირველი რაიონის ბოლშევიკები უძულებულნი გახდნენ პროტესტი-გამოცხადებინათ ორგანიზაციისათვის. მასთანვე წამოაყენეს რამოდენიმე მოთხოვნა, რომლის შესრულებამდე შეაჩერეს საწივრო პარტიული გადასახადი. სხვათა შორის, ითხოვდნენ, 1) რომ ბოლშევიკ მუშებისათვის აეყვანათ ორი ბოლშევიკი პროპაგანდისტი, 2) რომ პერიოდულ გამოცემებში ბანასწორი მონაწილეობა მიეღოთ ორივე ფრაქციის წარმომადგენელთ. დიდის ყოყმანის შემდეგ მენშევიკები დაადგენ დათმობის გზას და მოახდინეს შეთანხმება, რომლის ძალითაც, პირველ რაიონში სამი პროპაგანდისტიდან ერთი უსათუოდ ბოლშევიკი უნდა იქნას აყვანილი.

რკინის გზის სახელობისში არსებობს მუშების მიერ არჩეული კომისია, რომელსაც შუამავლობას სწევს მუშებსა და ადმინისტრაციას შორის, მაგრამ კომისია უფრო ადმინისტრაციის სწამოვნებას სცდილობს, ვიდრე მუშების ინტერესების დაცვას. ამ კომისიის ერთმა მოქმედებამ, ხომ მთლათ ჩაღლევა მუშები: პირველ მაისს, სახელოსნოს დაარსების წლის თავზე კომისია წავიდა მისალოცათ უფროსებთან, რომლებმაც სიამოვნებით მიიღო ისინი და მიიპატიჟეს ნადიმზედაც. და რა ვნახეთ, მუშების არჩეულება შავ-რაზმელებთან ერთად შეექცევიან ქეიფს და მიირთნენ შავ-რაზმელთა სადღერძელოებს. მიუხედავად ამისა, პირველი რაიონის მენშევიკები გზათა მინისტრის მხსელისას აღგინენ; მივმართოთ ამ კომისიას, რომ მან მივიდეს მინისტრთან და სთხოვოს, მიიღოს სამუშაოზე უმუშაოთ დარჩენილები, მოუმატოს სამუშაო ხელფასი და სხ.

ნეტა ვიცოდეთ, სად გაქრენ მენშევიკების მყვირალა ფრიზები მუშების პოლიტიკურ აღზრდისა და თვით განვითარების შესახებ? ნუ თუ შავრაზმელების წინაშე თავის მოხრა და მათთან ქეიფი მუშების თვით განვითარებას მოასწავებს? ისინი იტყვიან, სოციალ-დემოკრატები ვართო!